

هو ليه مفيش حد سال عني . كل مرة كان نفس المعاد والمكان . فين الناس
الكثير اللي كانوا حواليا . هنا كان في صاحب وهنا كان في صاحب ثاني .
وهنا وهنا . كلهم راحوا فين . اه ممكن علشان شكلي بقي وحش . طب ماهو
مش ذنبي أني شعري وقع . وقع . لا ماوقعش دا هيطلع ثاني وتالت ورابع
وهافضل اربيه لحد مايبقي كبير . يعني هو المرض ساب كل حاجة ومسك
في شعري . علي العموم براحتهم . انا مش خايف منه . بالعكس . الابتلاء
بيزودني قوة . وبحس بيهم لما بشوف بهاء في السرير اللي جنبي وهو
بيبتسملي . احلي ابتسامة . وحشتني اوي يابهاء . صدقني قوتك لسه معايا
وصورتك مافارقتش خيالي . بص بقي انا عارف انك رحت عند ربنا بس انا
لسه . شوف لما هاتخرج من هنا هاروح ازورك والعب معاك واهديك ورود
. ماهو يايغلبنى يا اغلبه . سرطان ايه اللي بتتلكموا عليه . دي هزيمة لو
استسلمتلها . ونصر لو كسبت جولتها . وعهد عليا يابهاء لأكسبها واحط
صورتك فوق سريري واكتب عليها ضحكتك هي اللي خففتني